

晚晴移詩匯

晚晴移詩匯卷一百六十七目錄

金和 十五首

施山 七首

劉履芬 十一首

雷浚 九首

史蘭 一首

丁申 一首

丁丙 六首

丁午 一首

莊棫 三首

王繼穀 五首

王詒壽 二首

蔣節 六首

陳文駟 四首

馬賡良 十首

王栢 七首

李齡壽 五首

羅志讓 五首

丁堯臣 五首

魏錫曾 六首

汪琰 十三首

吳養原 二首

譚鍾鈞 五首

沈銛

一首

胡公壽

一首

蔣確

二首

沈祥龍

三首

張定

一首

葛其龍

三首

黎承忠

十首

俞燿

七首

晚晴移詩匯卷一百六十七

徐世昌

金和字弓叔一字亞匏上元人貢生有來雲閣詩藁

詩話亞匏貢不羈之才粵匪破金陵全家俱陷於賊時向忠武駐軍城外亞匏謀內應往來賊中而官軍屢誤期會謀洩事敗僅以身脫時論壯之詩酒跌宕老於賓客凡清人之翱翔黍離之顛覆身親日視故言皆實錄可當詩史

避城

海上逃人言鑿鑿夷於丁男不甚虐惟與婦人作劇惡比戶由來皆大索城中兒女齊悲嘸四鄉一一謀枝棲尋常家具邀人齎腰纏浪擲輕如泥誰謂鄉農亦稱霸百金纔許蝸廬借瓢水束薪珠玉價釵鈿褰襪奪之詐稍不如意便怒罵搶地無言但拜謝道來此間已被赦不見鄰婦頭

鬢髮無錢能賃香笥籃膝前有女年十三中夜急嫁西家
男身攜布被居茅庵

募兵

城中舊兵不如額分守城頭尙無策何論城下詰暴客市
兒反側頗接跡一旦招之入軍籍朝來首裹青布幘細襪
革鞢勒盈尺黑衣蔽腹袖尤窄堂下羣鴉立無隙或舞大
刀或礮石取其壯健汰老瘠九城纍纍保衛冊晝坐當門
怒眼赤大聲能作老梟嚇惡句往往暗褊魄夜出走巡街
巷柵火光燭天月不白木梃竹鞭在肘腋吠犬無聲都辟
易一人日與錢一百勤則有犒惰則革借問誰司鼓與鉦
居然高坐來談兵百夫長是迂書生

揚州客邸作

不慣揚州住蕪城數暮鴉世情原魯酒人意亦唐花客路
江難縮秋林日易斜雲邊親舍近吾夢欲還家

王嬙

紅顏竟許到沙場休抱琵琶意更傷不是出宮時一拜今
生何處見君王

西施詠

溪水溪花一樣春東施偏讓入宮人自家未必無顏色錯
絕當年是效顰

五月七日母命出城避賊

老母傳示紙三寸敲側澹墨十數言謂聞爾日賊促戰干
家萬家人出門爾獨何爲戀虎口六世名族惟爾存身是
婦人當死耳此時言義休言恩爾去將情告諸帥況爾有

口兵能論背人讀罷火其紙纔欲痛哭聲先吞中夜起坐
不能寐十指盡禿餘齧痕在家何曾得見母母教誠是兒
智昏宿將南來過兩月胡至今日軍猶屯或者條侯太持
重不識此賊原游魂儻以裏言走相告未必幕府如帝閭
藉手庶幾萬分一還我甘旨難與豚甘作罪人背母去甘
金饋賊吾其奔

初九日出城既至善橋作

出城二十里世界頓清涼不覺髮將白纔知日尙黃居人
盡旗鼓吾輩又冠裳重見聖朝詔羞揮淚數行

自秣陵關買舟冒雨至七橋甕馬總戎

龍

營求見

早潮人說船行易五十里路夕未至夜深雷雨破空來疑
是城頭戰方利小船漏水時欲沈袴襪無乾不能睡燒燭

聊談紙上兵到曉剛成六千字遙遙乍見當頭旗船得順
風樂生翅須臾繫纜營東頭萬帳星羅眞得地此時雨猛
更逐人草滑泥深策無騎束縛芒屨側足行軍前豈可輕
兒戲漸聞朝令許傳呼長揖扣門敬投刺將軍竟作階下
迎纔見逃人先迸淚敢謂此賊不難平三月遷延自攻愧
張髯怒罵驕兒兵如所云云頗非醉坐來徐獻袖中書五
策居然中三四欲推欲輓忽沈吟前席無聲似酸鼻但言
大帥在鍾山到彼雄心儻一試我聞未免中狐疑於我何
嫌若引避歸船聽取道旁語請戰都非大帥意將軍近已
病填膺不是將軍不了事

初六日將辭諸營而去

旁觀不覺舉棋頻梟鳥聲多漸惹瞋吾舌能令金馬泣軍

心只似木雞馴侯嬴有劍難從死伍員無簫欲救貧徒賺
北堂占鵲報猜兒已作後車人

初七日去大營擬寄城中諸友

十萬冤禽仗此行誰知乞命事難成包胥已盡滂沱淚晉
鄙惟聞嘍哨聲自古天心慳悔禍雖余人面錯偷生一身
輕與全家別何日殘魂更入城

聞落葉聲有感

夜夜空階落葉橫因風隨處答蟲鳴紙窗如墨每疑雨華
髮成絲是此聲蘭芷江邊遷客淚薜蘿山下故人情飄零
自分無歸日略向歧途訴不平

還家

還家翻似客兒女一時喧亂閣囊常礙新支榻不溫縫裳

促冬綫翦燭繚宵尊幾日聽江雨征帆又在門

夢月夜游筆架山歌

我昔初游筆架山重巖絕巘窮躋攀夕陽滿天下山去山
靈笑我真癡頑夢中來呼渴睡老汝昨看山愛山好好山
不向月中看誰識此山天下少我歡躍起歡相迎山靈挈
我隨之行騰地直上一千丈此山屹立如在不夜城九閭
咫尺通帝京四邊寂靜無人聲舉頭不見團團月卻是廣
寒舊宮闕萬戶千門無點塵珠斗銀潢共清絕此時姮娥
露真面雲錦衣裳颺紅電須臾放出大光明融結此山成
一片山耶月耶雨不知惜浩長空互秋練山靈語我此奇
景除卻此山無處見此山南來第一真洞天今作窮妻湯
沐縣繞縣徧種丹桂花靈根來自海市鮫人搓云是結璘

使者手贈春風芽此山樵童漁女一一皆以花爲家花開
花落一十二萬載古樹今樹不斷香橫斜偶然桂子月中
墮當作瑤池靈藥可白兔誰聞天上春青鸞自寄山中果
人生得入此山游仙籙何事更向佗鏗求此山一草一木
一猿一鶴俱是不凡品而况餐煙吸露之靈修我心默默
方然疑忽聞侍從傳語山靈知近來吳剛老病疲其屬八
萬四千戶斤斧往往乖常儀一去蓬萊十日不復返聞其
爛醉蒲桃新酒無醒時頃間同游下方客落冰玉無俗
姿吳剛修月不稱職今後其人客代之山靈賀我促我頓
首謝我有我志請畢今夕語我之學儒僅僅知謳吟我之
學農僅僅習耕稼其他一切愚過移山公而況生平懶同
嵇叔夜塵世不願受羈勒天府何堪任驅駕幸爲更乞恩

外恩曲怨草茅蟣蝨臣七寶樓臺非我事匠材別選甯無
人山靈對我長太息叱咤一聲如霹靂驚回春夢落河海
依舊青燈閃蓬壁東窗指顧搏桑紅照見此山最上芙蓉
峯

登木末亭懷太白

碧蘿祠宇曷茶煙曾此行吟有謫仙自著錦袍上天去鳥
嘯花落一千年

送曾襲侯出使

江上逢旌節中朝第一流時名謝安石先德武鄉侯許國
無回顧彌天此壯游長風九萬里何止到瀛洲

施山字壽伯一字望雲會稽人有通雅堂詩鈔

詩話壽伯幕游湖湘間詩縱橫曲折其氣特
盛七言近體工於發端時有空同大復遺響

吾廬

萬壑吾廬外蕭然一布衣家貧親老易地僻客來稀開卷
前賢過窮居世事違坐看小烏雀街食向巢飛

聞客話滇南

檳榔花發碧難山昔有藩王鎮百蠻歌舞銷沈宮殿廢亂
雲猶擁七星關

庚午春日天門城邊看灌麥

蟠冢東流日變遷淤湖春麥綠成田漸繁生齒兵戈後試
數兒童隴畝前西顧猶愁回紇馬南漕久廢運河船談何
容易匡時略搔首斜陽古郭邊

咸豐三年冬貸粟錢江農人張國震餽錢以濟是日
暴風不止先王母倚閭憂甚距今十九歲矣感懷

成詩

百歷冰霜年少日一錢生死感人恩飢寒歲暮親垂老風
浪江干日已昏禱佛鑪煙歸未絕極天墳樹遠無痕天涯
又愴清明近麥飯何時拜墓門

偶樵寄示舊作藤鼓行三章歌以和之

蒼梧羊石端州門以藤爲鼓吾所聞君於三鼓曾見一作
詩氣壓千人軍明臣滅賊根株絕更挽妖藤寶刀截團團
冒以黃牛皮罰令司更贖前孽二百年來亂夷狄騰騰擊
鼓鼓欲裂大臣輦帶曾三錫辱國喪師不可說坐令米賊
輕國憲南紀滔滔日流血卽今輦鼓中原息西北萑苻未
誅滅安得拔釘橛牛皮老藤十丈復聯結皇靈感物變頑
性飛渡黔山斬萌蘖歸來作頌鐫其功藤皮堅滑刀如風

岐陽之石蠻溪銅以比爾鼓將毋同雲臺馬武山林雄中
與漢代聲隆隆誰知順逆妖祥異湖海猶憂伏莽戎

蒲圻城頭晚眺有懷仲丹都中

山山黃葉兼紅葉松竹蕭森掩映之雲裏譙樓雙塔迴鳥
邊暮雨片帆遲風光絕妙秋深後客思蒼然獨立時忽見
洞庭霜橘至故人京國最相思

題趙州王節婦畫水

趙州古寺發王氏畫壁流觀吳道子精魂白日游九泉倒
捲黃河入腕底波瀾於古真莫二毫端激灑涵元氣晴晝
如聞風雨鳴空堂疑有魚龍至鱗鱗閃動不敢捫安得巨
掌擎海門颯然冥項忽飛入炎官赤帝皆驚奔或愁異日
冬寒惡地凍天冰受椎鑿嶙峋純是血點凝百劫千災豈

銷鑠高風蕭蕭環翠閣海客南歸袖雲壑秋成不勞憂旱

乾萬校去聲農田繞山郭田間寡婦拾穗同憐渠耕石恆年

豐猶傳黃鵠孤飛日惡浪驚濤淚眼中

劉履芬字彥清一字泖生號樞夢江山人官戶部主事

改江蘇知縣署嘉定縣事有古紅梅閣遺集

詩話泖生博雅工文辭權知嘉定有折腰督郵之憾
又遇殺入獄未得主名悵悵無聊一夕自裁極才人
之不幸一時士大夫深哀之嘉定程序伯曾爲郭頻
伽作老復丁菴圖泖生生於丁亥與頻伽歲紀正同
因屬序伯仿其意作圖并有自叙一首時道光己酉
歲也泖生後有懷舊詩云名場踪跡感頻伽悔把詞
章換鬢華孤負紀年同
一樣竟教汎宅挈全家

歲晚述懷

吾無應物材涉世誠大難靜默欲養心觸事多憂患讀書
不致用焉貴抱叢殘愧此編氓徒力食供晨餐貧賤未爲

尋親密未知歡芬馨湘南草詎若庭戶蘭俯思勵至行束帶憐朝寒

二月三日放舟至木瀆宿石心村居越日登靈巖山
遠眺循麓過披雲庵看梅冒雨而歸紀游

薄霧戀山坳日在征鳥背出門一舸浮峭碧點波碎橫空
見塔尖如佛影孤髻逾近煙水關舍舟見古寺我友汪居
士避俗隱茲地布被可留客門巷不嫌隘檜雨燒團茶飮
口園官菜卧聽萬壑風足洗胸中穢

微露濡行人攬衣起破曉一步一看山翳叢驚宿鳥風廊
出溟渤鐘聲散遲早松樹千百盤近覺青可拗思夷勇孤
往步險怯始造不知路所極雲起手能到數數列階級落
葉琴臺掃無與苧蘿人洞門闔春草

上山復下山僧廬三里餘無數梅花林照水爭清疏禪宗
息文字掩關終歲居自惟種植緣長笑溺與沮結趺坐苔
石啄木下自如衆香了無際安用悲萊蕪亞枝落橫玉還
讀法盧書一甌綠雪湯自易情懷孤

寄陳曼壽

短榻移鐙客夢疑蕭蕭殘竹月明時未愁僻地鉏茅始頗
悔攜樽就鞠遲人外孤鴻無靜境酒邊雙燕有春癡近來
祇合關門住卧誦江湖聽雨詩

舟中贈楊見山

峴

停船看明月夜永一鐙虛獨往青山後論心白首初浣衣
今一笑食肉爾何如後約應期我秋風江上書

都門客思

浩想煙波采白蘋開簾靜對月如銀模糊雲樹三千里抖擻衣裳十丈塵處世正非貧可了還家只盼夢能眞曹司事簡朋儔隔自起烹茶析澗薪

夜坐荷芳書院

秋聲不在山月色融於水菊畦兩三叢爛漫炫金紫淨鄉廣作緣池隙扶六枳霜重警林鳥波寒定潭鯉豈惟荇藻流鐙影一船艤舊游吳越交十載五湖淡情景對靈抱良宵數有幾

觀姚少師錄童中州後和陶詩書後

中州名冀金華人見列朝詩集

其手蹟今爲獨山莫氏藏

道衍未入燕能詩乃名詩偶寫友朋作命意殊冲夷中州舊相識寄遠界烏絲一卷後和陶書以徇心知繇靖不再

觀自洗輓媚姿足知才力強所施無弗宜和尚故不錯責
之何苛爲吁嗟太孫帝柔弱祚漸衰文皇一振厲遂廓二
百基此見和尚功長育亦不貲世俗恢奇策傳聞多可嗤
要之游佛門固是英雄師往昔見摹本手跡今茲披他年
請刊石用補集所遺

吳園

拙政山楸怨老梅百年池榭幾遺栽碧桃臨水才三足猶
背東風滴淚開

答潘麀生

闌風苦雨積莓苔兼喜湖山綠酒杯握手花叢人慚老論
心水會我重來頻年離緒桓三弄徧地征塵杜八哀短後
儘儂落膽馬公言龕亂正須材

雷浚字深之吳縣人諸生有道福堂集

詩話深之吳中宿儒研經博物承里中惠江諸家之緒與會所至時發吟弄波瀾意度不失乾嘉老輩矩矱

自黃縣至甯海州道中作

自離黃陂來行行漸沙磧不知身入山山遠青岑削雪壓
山氣沈透空轉縹碧斜陽來照之倏忽成霞赭變幻不一
時陸離兼五色是日行未遠雞棲日將夕疲投茅店宿山
月店門白

山行古乘橐廡制似卽屨漢時始用輶踰嶺平妥帖我行
山海間我車阻高岡無輜不得進有木真豫章似梯枕以
繩似網似箕張用駕驢背行云宜山路長山輜名不俗采
之入詩囊

四更山月落星光，淡原野僕夫恃諳練。驅驢出道左，昏黑望前林。明白顧後火，行行阻深澗。對岸高礪破，雞鳴知逼村。覩路無一可，路旁似有人呼之。乃樹也，蹇驢嚙徑草。我穩山輜坐，此時脫遇盜。傾刻當無我，東嶺透朝霞。西嶺煙霧鎖，四顧默無言。一身萬峯裏。

上山勢似難登頓，從無失下山勢不留往。往往多差跌，一跌幸無傷。雪後鋪如茵，人驢同扶起。撲雪如撲塵。

絕壁兩崖分，中通路一綫。人馬魚貫來，去來厄接腕。接腕猶可避，馬礙豈容旋。出門戒欲速，崖口佇少間。少間一僕下疾行，呼不來。徐徐山輜入壁，上繡古苔。

沈沈山中宅，未識何人居。厯厯山中村，綠窗俯通衢。豈不虞盜賊，世亂此晏如。自入東萊境，道路無婦女。汲水臨深

澗浣衣來楚楚山僻偶一見此風勝鄉魯

皇天夜雨金萬夫朝死鬪平土不穀民窮何述富帝敕
金星下弩力試補救又恐逸則淫金沙雜紛糝揀之更鍊
之辛苦同芸耨我行升高山下視人輻輳詢云淘金戶蠕
蠕聚萬首稍近皆敗絮騰越如獫狁此邦本不肥爾生亦
太瘦

四月九日重赴白隄汪氏館齋是夜月不甚皎徘徊
清夢軒池上淒然有作

兵殘賸得舊樓臺樓下池邊半綠苔幾輩人如花驟落今
宵我與月偕來不堪懷舊剛聞笛如此尋詩合舉杯昨日
隴頭書恰至殷勤猶訊劫餘灰

貝子木明經

青荷

半行庵遺集刻成題後用調生丈

韻

生能草檄兼橫槊無命皇天底賦才飽食太倉騰鼠子飢
驅歧路泣龍媒祖鞭欲著似春夢韓集誰編幾劫灰尙有
定文同志在招魂直欲上西臺

史蘭字雙梧嘉興人諸生

詩話雙梧嘗繼沈文憲編次乾隆以後諸家詩爲別裁續錄雖塗轍近隘而持擇甚嚴其稟本流入廣市余爲收置社中並別鈔名家詩文都四十餘冊皆出手錄披覽及之未嘗不歎其苦心劬學也

過翠雲精舍讀液川上人觀幻居詩留題

液川吟詩如畫竹修竿勁葉風生屋有時作畫復題詩見
詩不見畫滿幅卽今何處留遺編小橋流水南湖曲大小
乘參短長吟禪林應當佛書讀

丁申字竹舟錢塘人諸生候選主事

秋日嚴州城下用放翁初秋有感韻

蕭蕭落木下孤洲，疊疊窮山豁一州。
楓葉江濤帆影碎，梅花城郭笛聲愁。
歸耕游卒爭刑馬，墾廢貧黎合買牛。
休養此邦誠不易，長官匪止俸錢籌。

丁丙字嘉魚號松生晚號松存錢塘人諸生江蘇知縣
有松夢寮詩稟

詩話松生早慧年十三入杭州府學，粵寇假擾東南，
文物蕩盡。松生與兄竹舟出家錢蒐求散籍，獲文瀾
天一之書十四，五遠者致自交廣。歐陽問有書庫，抱
殘圖左文襄莫邵亭題，地高伯足作記，美其歸書文
瀾之功。黃再同爲題五絕，其一云：「是否雲門大小山，
波清峯綠兩翁閒。聯牀風雨愁誰別，定有黃衣夜叩
關。」自註：波借清涼類合樂峯貪濃綠不分。
林龍泓山人聖因詩句也。文瀾閣在寺旁。

送莊四歸毘陵

離懷折贈柳，麤麤春到旗亭酒。正酣鐵笛一枝催夢醒，梅

花風雪滿江南

茶庵招游西谿答之卽堅其約次韻

只消雨不惱黃昏明發招邀出郭門十八里中花更好雨
三人約酒先溫水樓禪話交蘆偈野寺詩尋宿蘚痕試與
輟紅塵土客清名持較果誰尊

借竹軒

瑞隆院裏翠黏天看竹曾傳北宋年玉版禪賒燒筍客金
題贊乞散花仙窗簾大好輝千个風月何煩買一錢登眺
願資雙不借最清涼處獨高眠

筠軒丈以雁山茶餉客

雁山色如古鼎彝丹砂翡翠青瓜皮四十九盤雲合離一
百二峯煙芬非客兒游屐獨見遺諾詎那至開初基沈記

薛賦彰希微閭南北兮谷東西泉膏石髓蒸華滋五珍之
產茶尤奇梅公詩句高品題阮家仙種是也非清明節過
穀雨霏新芽一槍還一旗武火焙足文露晞瓶盛箬裏致
遠宜鐵翁得之笑解頤新年招集吟朋嬉小小鑪子塗紅
泥雪餘簷滴烹珠璣蟹眼魚眼聲淅淅恍疑瀑在龍湫飛
煎成淺瓊浮琉璃色香味與陽羨齊座中二老先忘機輔
蒲堂二公親游雁宕話游妮妮裏糧曾踏芙蓉溪重圓茶夢疏朝衣鰕生
亦幸清詩脾所嗟互市來西夷茶綱歲入千朱提可憐軍
火無窮期不抵防海一日糜茲茶隱秀與世違解渴不屑
淪鯨鯢主人論敵有餘懷苦心茶味其庶幾更期八尺支
杖藜雁湖絕頂輕攀躋春茶采采歸來兮延年益壽同丹
莫

黃浦道中

黃浦江頭夜月明青龍橋外暮潮生廿年重撫疏疏柳
輪與涼蟬自在鳴

葉盤新葶丁敬身隱君象屬題

硯林錢塘江上人祖述龍泓丁隱君負米踏麴供其親餘
力讀書常斷斷下數漢唐上周秦鼎彝碑碣通說文篆刻
絕藝無等倫與諸鴻博張一軍詞科掌錄揚清芬庭前諸
子皆有聞張紗古弄屋荆榛集慶寺後荒秋墳獨留遺象
傳風神抱膝坐石全天眞葉子好學忘清貧暇操鐵筆鐫
貞珉私淑前哲香瓣薰藝林名重同千春

丁午字頤生錢塘人諸生

冒雨訪盛鳳翔城北寓居留飲春盤醉後有作

入春雨雪多兼旬風簌簌枯坐兀無聊蠟屐訪城北登堂
一笑迎握手意可掬天寒泥留飲是真來不速嗟我生寡
歡性僻難諧俗與君久締交淡然若蘭菊遇合彼此同牖
下猶雌伏瞻顧名利場無能共角逐笑彼冠蓋多其奈知
食肉不如咬菜根靜對縹緲腹優游寢饋中萬卷丹黃讀
君頗蓄書其度閣曰萬卷知足神自怡朱顏爲君祝至樂頗耐尋何必
求多福衝寒梅信芳同上孤山麓曾有採梅之約故云
莊棫字仲白丹徒人候選主事有蒿庵集

秋懷雜詩

故鄉不可見仰視河漢流肅殺亦歲功動植宜虔劉朝歌
思歸引暮歌大刀頭幾獨固增感離思亦縈憂房櫳蜻蛚
吟原野狐狸游蟋蟀仍在堂相對樂未休日月已云邁良

士慎自謀

柳

東風吹百草冉冉過柔條依舊江潭路其如隴水遙高樓
刀尺緩古道馬蹏驕莫問封侯壻閨中淚未消

芍藥花初放薜蘿葉復齊棲鳥白門側落日大隄西朝朝
逐游子暮暮隔空閨嬋娜今如此莫負曉鶯啼

王繼穀字子詒會稽人有聽桐廬殘草

詩話子詒因母疾禱於羣神乞以身代光緒六年四月五日自沈於甯波之月湖以死世所稱王孝子者也宗湘文太守勒銘湖濱其仲兄子獻太史搜集遺詩得若干首孝子至行豈待詩傳而靈均捐珮伯奇履霜淒楚之音時露毫楮山陰沈曉湖題其遺詩云連閭舊事說吾鄉寒菊清泉薦晚芳不是湖頭祠愍孝也應配食水仙王

九日登八詠樓同仲兄作

木落廢城秋關山一雁愁大溪環屈曲敗葉舞颼颼風雨
重陽酒巾裾八詠樓憑欄吹鐵笛萬里溼雲收

舟中遣興

霜雁一聲唳白雲天際流觴搖新漲輭江借晚楓秋強酒
爲尋夢園棋暫避愁前灣知泊處落日破帆收

蕭山道中

大江日落暮煙凝估舶家家欲上燈殘柳疏星帆影卻亂
鴉聲裏到西興

鏡湖卽目

故鄉風景認依稀曲曲陂塘雪鷺飛萬戶稻蓬圍葑屋半
湖菰翠盪柴扉黃花紫蟹酒初熟紅樹碧溪鱸正肥津鼓
一聲星幾點卧吹銅笛夜船歸

感知一首酬李悉伯先生 慈銘

乘槎欲訪三神山蓬萊咫尺風引還鍊石五色亦何有誰
信嫺皇補天手山林鐘鼎兩不成何如獨坐援孤琴醉折
幽蘭彈古調空山寂寞無知音昨者別兄偶弄指天風海
濤入焦尾餘音嫺嫺千里聞誰識天涯有鍾子先生當世
推經神主持壇坫三十春忽聽巴音和白雪喜舞奚翅登
龍門中散許傳廣陵散一洗俗耳箏琶新瓦釜雷鳴奚足
論得一知己死何恨一彈再鼓忘形骸孤月寥天印方寸
王詒壽字眉叔浙江山陰人諸生官金華訓導有纓雅

堂集

詩話眉叔工駢體文久困場屋貧悴以終嘗入浙江
書局從事校讐與譚仲修施均甫張子虞諸人相酬
唱女綺亦能詩李越縵題其藁有云
玉臺詩格傳嬌女解道花隨燕過牆

春暮

野桃無力點晴波，寒食清明次第過。
酒價漸低春釀熟，船初到市聲多。
東風芳草人盤馬，小雨楊花客渡河。
卻憶江南好時節，畫橈衫影水如羅。

銅鼓釵歌

何竟山藏有古釵云蠻人以叩銅鼓者銀爲之長逾尺大倍常釵圓直而上稍銳云千餘年物也按隋書地理志載南海交趾鑄銅爲大鼓初成置酒招同類豪富子女以金銀爲大釵執以叩鼓竟乃留遺主人

名爲銅鼓釵此其是與

銀礮一尺紺龍角翠漫鏤金，截鈿萼海南女兒顏如霞。
不向東風曳珠索，玉螺花鼓青盤雷。
碧瓔鸞錦連臂來，釵光搖搖彭聲起。
手撒春星顫鸞尾，洞堂一曲蠻花香犀牀。
不動雙鴛鴦，旣裘都老紅。酪漿墮霞簇簇珊瑚囊。
何年飛來逐龍子，古井沈沙土斑紫。
芙蓉怯玉蘭雲垂，金蟲欲綴愁

蠟絲且鋪舞錦呼吳兒嬌麗促疊催柘枝

蔣節字幼節上海人諸生有閑促齋詩集

詩話幼節師事何媛叟莫邵亭故爲詩力追先正同時名輩多與酬唱願懷才不遇棲遲幕府有仲宣依人之感歟時年僅中歲藏棄未刊唐薇卿中丞謂與黃仲則同慨然身後之名去兩當遠矣

古詩

積陽散林薄涼飈入我幃孤鴻邈天末客子寒無衣手把鳴琴彈絃急不成揮非關絃柱促願此心願違中情自難抒無傷知者稀

張明府

德堅

招賞牡丹次韻

甌碧鞮紅徧草堂爲花耐得六時忙眼根已眩曼陀雨鼻觀疑參鴛耨香愧我餒槃驚節物看君健筆擅詞場綠章便奏通明殿語爾封姨莫漫狂

明倫彙編 家範典 卷一百一十一
同時明府

乃功

登鼓樓作

列戍悲笳咽荒陵落日殷眼中千里客樓外六朝山良會
矧不易清游那可刪高吟聊復爾莫使動江關

贈劉明府

焯

用東坡喜劉景文至韻

應人一任牛馬呼學道於此窺其隅平生未著絕交論貧
窶自覺交親無劉侯肫摯獨念舊聞風已足敦薄夫江淮
相聚喜會合期奮迅翮爭搏扶那堪飄泊感節物又見菽
麥將生鬚邇來閉置苦岑寂似囊駝坐毋乃迂昨者有約
蜀岡去欲酌卮酒懷歐蘇藉茲眺遠豁襟抱隔江山色如
彼妹倒衣命駕堪從子狂言屢發可容吾知君有句證鴻
雪凭闌定憶錢塘湖

蘇文忠公玉鼻驛券拓木爲劍盟題

解驂爲助久未聞以馬借人史闕文古之佚事孰能繼杭
州太守蘇使君使君有馬出天廡嘉名肇錫玉鼻騂東齋
卻對李方叔恩恩惜別情難分忽推君恩及良友三致其
意殊殷勤丈夫甯有戀棧志勸哉蹴踏超風塵當其要約
書公據一紙筆落生煙雲蝦蟇壓石信奇喻字體出入從
顏筋更教涪翁定價直又以長句煩潁濱何年刻石石自
裂風雨剝蝕生苔紋憶昔由拳遭兵火不共珠玉摧妖氛
眼中舊跡喜重見萬生好古真不貧晚香堂刻舊曾觀問
值乃索百廿緡短長肥瘠各有態秋高二華同嶙峋邇來
摹本苦雜出東家難效西家顰蜀中椎拓亦艱得洋川數
石猶堪珍長公作字留戲語跋待五百年後人小生後公
歲九百高山徒自懷清芬嗚呼公之高誼今不作翻覆之

手何紛紛萬生萬生善寶此此券莫使馮煖焚

病中別譚中丞

不緣多累肯依人典盡琴書始出門黃獨有糧聊可煮白
雲如褐恐難溫囊空易動窮途感劍在甯忘國士恩記否
木蘭堂上別今年此別倍銷魂

陳文驄字季舫大興籍祁陽人有漱潤廬詩存

詩話季舫師爲仲英師之弟少有才名詩初宗
唐賢後復出入東坡劍南未遇早卒人皆惜之

雨中雜詩寄路訪巖

春老餘寒入被池陰陰城闕曙鐘遲名心漸逼親衰後豪
氣難銷酒熟時避客性如羞舞鶴傭人味似已刪詩此懷
祇取奇書遣遮莫飛花下故枝

讀晉紀

盛譽由來易失眞深源起後轉沈淪江東一樣蒼生望爭及圍碁賭墅人

天家自給山林費高隱爭談著作郎笑煞史臣難執筆荷衣墨綬贊平章

雨窗與个臣夜話

叱咤侯門熱孤吟夜漏殘豪情就束縛餘味耐寒酸得失爭雞口文章笑鼠肝此懷了無盡付與酒杯寬

馬廣良字幼眉號鷗堂會稽人有鷗堂詩鷗堂遺藁

詩話鷗堂體羸善病絕意進取以詩鳴於里之舉社兼治古文晚好禪學譚復堂謂其爲詩覃思自精窮極正變而五金一治入音成樂若性若習若忘若遺自成爲鷗堂之詩而羣言如廢嘗自刻詩三卷歿後其子刊遺藁凡文詩詞各一卷平生篤倫理務實踐教諸子有法度季子綱章博雅能詩

俗文孺彥清游曹山寄剡中諸子

鑿山採山石採處名石岩石盡山成蛻因之得奇狀曹山
最奇絕覆石如連帳剗削知何年形虧氣益壯一宕在山
腹水洞通咽吭石巖爭險峭岌嶮不相讓山根走潭底水
石互摩盪一宕山之背可卽不可望綠崖入仄徑隘極忽
平曠石壁周四圍幅幅如列幢其東雲石巷高踞層巒上
巨石千丈強獨立空依傍下有涓滴泉萬古春盎盎由來
山水奇造化運意匠茲獨出人工魄力實雄勦混沌一剖
判青山成變相我生與山鄰呼僦幾躋降稜稜踏山骨曲
曲入山臙觸目已嶙峋極險窮幽沉今茲載酒來巖花媚
秋放好山如佳文百讀終無妨同游有孫曹山賊名差當
關路挾崩榛登高破石浪焉知筋力疲但覺神情王快哉
一嘯歌羣山齊和唱迴舟出曲渚落日明殘嶂廬仝七椀

茶例得山靈貺

雲石泉味清而腴
越中推第一泉

明心寺

佛殿嵐光積山門樹色埋
磬聲爭澗筑幡影亂藤釵
看竹入莎徑踏花愁筍鞋
山行逢息壤游興未應乖

舟中不寐起視月色如晝

小艇落寒江舫聲搖夢醒
開篷正清夜獨坐攬幽景
月明萬籟歇山水氣俱靜
興來一扣舷滿江風露冷

得子九丈聞中書

之子辭鄉國西風吹草黃
門前看流水離思與之長
忽寄平安語遙憐鬢髮蒼
關山千里隔有夢到蠻方

春游倣劍南小體

野色瞳瞳日氣清短篷柔艣
鏡中行山腰束霧初收雨水

面鋪煙乍放晴紫陌鶯花催上巳畫船簫鼓送清明春遊到處饒詩思斷句推敲半未成

焦桐篇寄李悉伯慈銘

焦桐慕素絲明鏡照芳姿之子一相見關山遠別離秋風動蕭晨早涼生綺閣不恨秋風涼但恨羅袂薄柔肌瑩冰雪美目耀春星謝彼脂與粉還吾婉變形秦女引鳳吹蜀客求凰操絲竹雖殊音宮商本同調焚香理瑤徽對鏡掃蛾眉焦桐有時斲明鏡無時疲

偕丁雪塘任秋田孫彥清游柯巖

吾州山水奇往往出殘廢曹山既著名柯巖復擅勝遙望山破碎近卽石散迸嵌綴亭館涼割剝邱壑勁繁林戴側厂修廊蟠曲磴崖深聞石氣水清見魚性澗香渡幽花巖

音孕清磬洵足騁雅懷况能逃暑病當年采山石頑劣遭
排擯豈知易世後游履名山盛乃知天地間得失本無定
名理既徹悟寸心亦明淨劇飲朋盍簪陶然盡游興

入剡

清溪寒颺颺孤艇上灘遲入剡又今日看山如舊時岸崩
村徑換漲落渚沙移不見蓬萊淺滄桑已可知

偕譚仲修施均父黃元同播儀甫張子虞孫子宜及
皋社諸子讌集吳山道院

吳山鬱岩巖雲物秀虛迴羣彥事幽討芒屨雜簞筍層陰
閣微雨秋日蒼不醒歷磴上高顛城市氣忽靜墟落點孤
煙江蒨團雙影道士何蕭灑結屋桂花頂登樓開情讌疏
櫺納返景坐見胥濤來微痕掠煙冷平生幾兩屐選勝苦

難準矧茲載酒游美客東南盡一出恣劇談陶然共酩酊
誰能學古人盛筵歡感併

寒夜遣懷

孤燈照虛館靜夜似僧房煮雪驗寒味燕蘭聞火香明明
空理見厯厯苦緣長意識何由滅檀心聊自強

王柘原名允中字雪庵一字顛枝號拓園大興人官遼

陽州吏目有悶芭草堂詩鈔

詩話拓園詩才側儻屈於下吏門人銘鼎臣將軍爲
刊遺藁馬展雲侍郎題句云豪興三邊外悲歌一室
中身屯名自達官拙語彌工異采看囊錦遺音感纍
桐招魂憐宋玉極目睇江楓當時亦名動公卿也

古劍篇

土花繡澁血痕碧中有英雄古魂魄白日青天拔鞘看毛
髮陰森起離席昔時成此百鍊鋼撼搖星斗批風霜蛟螭

膽落匿蹤跡鵬鵠膏粹生輝光年湮代遠連環壤石上重
磨鋒尙快世無薛燭雙明瞳又無郭振詩豪雄劍乎劍乎
汝不自言可以託生死安知人不視作鈍鐵與頑銅報恩
報讐隨人意何如去化延平龍神龍首尾不可測汝獨胡
爲久在塵埃中

閭山大松歌

盤古氏前生此松棟材未入唐堯宮孫枝早受大夫爵祖
幹自匿高人蹤太古甲子不記憶曾見十二山初封松高
一層一千尺五層已跨山尖峯七層拔起勢不歇再長將
與天門通倒身下瞰根託地半截純積煙重重仙真來劇
茯苓白鬼物時守虎魄紅兩夜輒化老龍去遊戲飛到東
海東歸來天曉鱗甲溼尙帶海氣青冥濛東丹王子藏書

日盤桓幾度聞支節耶律相公吟詩處歌聲定雜寒濤中
醫閭萬古不改色古人可惜今難逢我今來此喜相值見
所未見驚雙瞳願攜枕簟卧朝夕消受謾謾清涼風從赤
松游意已足何必十八爲三公

駐蹕山

萬馬簇龍旗征遼此駐師軍中破陣樂塞上紀功碑兵力
雄於昔山名起自茲天威猶想見弩火克城時

落星石

古來名將相天上應星辰到地化爲石當時何許人更無
光采在竟與碣碣鄰五丈原頭事因之感漢臣

海舶夜望

揚帆行浩浩良夜淨風颿海月龍銜出天霜雁負來得償

宗慤願祇乏木華才叫絕三浮白秋禱響若雷

追和梅樹君

成棟

蘆花原韻

隔岸分明積雪鋪伊人宛在望中孤西風八月正蕭瑟漁
火一星時有無野色暗隨煙共暝秋痕淡到筆難圖雁聲
遠向平沙起寒夢蒼茫落五湖

竹外桃花事已非斜陽淡沱滿苔磯獨臨野水和秋語碎
翦涼雲作片飛楓葉霜乾同瑟瑟藤蘿月映最依依江湖
流落頭俱白不學楊花點客衣

李齡壽字君錫號辛垞吳江人諸生有匏齋遺藁

弔汪君虎溪

風狂百歲中起滅浮雲變往事足悲感惻惻墜歡戀蘭園
花亂飛對語梁間燕青蓋卧空階苔跡不可踐流落故人

手猶賸一枝棟棟花風起時杯酒冷難噉詩人屑卑官敲
扑塵埃賤所慨卧治難雨雪先集霰魔女力欲降浪蝶挾
之戰水魅笑開口土神驚視面日月大圓鏡百怪燭若電
真靈位業圖神仙固未譴當其机榱時思之有餘顛值此
棟花開目瞑竟若倦人去棟猶花忽忽六度見丁令久已
歸梅尉未成傳窈窕美人心清詩百洗鍊生自禱泰山歿
或祀小縣荔丹蕉黃辭侑此寒泉薦

十月十七放翁生日同人集具足菴西巖上人房用

放翁長歌行韻

大星當空芒角生誓掃欃槍屠鯢鯨南渡詩人鳴不平醉
夢苦復思兩京年逾六百值今日憂時感事猶此情祖宗
九廟思神靈中天日月煌煌明嗟翁間闕梁益間伏櫪老

驥餘悲鳴中原未復憤所切焉能守口常如瓶六十年中
詩萬首肝膽欲向何人傾昔讀翁詩發長歎況今烽火魂
猶驚北風蕭蕭來天際空庭落葉寒有聲座上酒兵且指
揮相期一醉開愁城

題錢松壺

杜畫

錢老駘蕩人游跡滿萬里此幅自題慎南作三尺剡藤贈
黃子黃子亦是江南人歸夢迢迢逐江水如皋江村有故
居游釣敢忘林壑美梧桐百尺天冥冥秋煙在樹月在櫺
古槐濃綠淨於拭芭蕉葉大風翻屏出門看流水坐石濯
足清泠泠孤琴偶一弄時有沙鳥飛來聽人生得此亦自
足何必局促奔走羅羶腥錢老寫此豈無意倦游白髮傷
伶俜嗚呼松壺古狂士畫意蕭然謝塵滓正從精密得微

澹藝成非儒亦非技江山萬里盤心胸能事不數文五峯
江關倦後家山好何日能還獨客蹤

送紫玖丈歸里同子屏韻

身如辭樹葉風急各紛飛客裏還言別君行我未歸井荒
多冷竈秋勁念單衣盜賊何時息重來款故扉

清明

禁煙時節野煙屯惻惻寒多獨掩門入夜雨聲偏破夢一
年花事暗驚魂野墳處處逢春祭孤子年年有淚痕去歲
玉峯曾記住千戈回首怕重論

羅志讓字耦廉丹徒人候選知縣有億堂詩鈔

喬鶴儕曰君任俠自喜與寇躡江南大府檄治團練
賊至督城守凡繕垣浚濠治樓櫓築礮台積芻糧儲
膏燭咸與經營自庚申至甲子孤城得全君與有力
焉憂愁抑塞憔悴艱難俱託之於詩一唱三嘆惻惻

款款足以見所
蘊蓄者深矣

薄暮舟行白塔河

扁舟搖落日極浦生明霞垂楊陰杳靄柔艣聲呶啞迢迢
見歸犢隱隱聞嘒鴉浣女緣曲岸釣叟當圓沙溪風拂絺
綌汀月橫窗紗吾羨張志和泛宅爲生涯

哀戴禮

禮聞城陷出走於其枕畔得一紙曰吾將從彭咸之所居

歲在癸丑春二月天狗墮地來朱方卓然有士年八十姓
戴名禮頤而長平生好學精篆隸古文一冊垂光芒踴
宜入獨行傳恥與流俗相低昂忽聞城陷淚橫臆滅寇無
術心迴遑嗚呼彭咸古來有誓往從之歸帝鄉招魂祭葬
衣冠在翩然披髮下大荒

阻風登燕子磯

大風掣水水盡飛陽侯出波阻我歸况復遠山銜落日輕
舟急繫燕子磯燕子磯前一片石危亭下瞰江水白神禹
萬古開洪荒蛟龍千里藏窟宅指點京口列三山兀然可
望不可攀平沙直與青冥接遠樹但在微茫間我今攀蘿
恣吟望匹練襟天使心壯同思局促坐篷窗敢向風姨拜
佳貺

行丹陽道中

嶺上浮雲溼春寒昨夜知水喧爭澗急鐘遠度村遲短轡
歸前浦棲霞繞暮枝重來經此地定是雜花時

秋感

秣陵今已撤重圍帳下偏裨著錦衣鴻雁遠傳霜信至鷺
鷺低傍水田飛漸看廢壘生秋草何處寒砧掃夕暉多少

故人明月夜相思相望未言歸

丁堯臣字又香會稽人有蕉雨山房詩鈔

題畫

綠樹簇濃陰草亭結幽境山隙補遙天林杪露帆影渡頭
落日閒溪流一何迴雲際忽鐘聲野寺傍孤嶺地僻往還
稀市遠雞犬靜茅屋三兩間條然籬落整中有太古人獨
與塵市屏名利兩不知心共白雲冷

高郵舟中

一水連吳楚長天接海濱湖浮城作岸波湧月隨人寺壁

誰留畫

高郵寺壁舊有曹仁熙畫水米元章極稱之

桃源莫問津中流頻擊楫

感慨百年身

天連湖水碧遠樹隔村微征雁幾行急秋風何處歸波搖

帆影活雲帶夕陽飛多少閒鷗鷺應憐作客非

贈隱居

四圍嵐翠鎖煙蘿結得茅廬傍澗阿地僻不嫌人跡少樹
深祇覺雨聲多摘將松子烹新茗採取蘭莖補綠蓑幾度
光陰渾不記窗前日月自經過

阿房

百里驪山一炬焦劫灰何處認前朝詩書焚後今猶在到
底阿房不耐燒

魏錫曾字稼孫仁和人貢生福建候補鹽大使有續語
堂詩存

詩話稼孫篤嗜金石當咸同之際轉徙兵間鑒藏甚
富校訂精審身後刊碑錄十冊不分卷攷證未備似
未成之書兼有印癖集中論印
諸詩評騭允當多心得之言

棄婦吟

女子憚遠適臨別常依依憶昔妾來此掩淚牽母衣朝別
父與母夕見姑與舅區區一寸心生死爲君婦采桑起執
筐洗手歸作羹三歲靡室勞歸甯且未遑歸甯且未遑嗣
君適遠道晨昏賤妾侍頗謂婦窈窕吁嗟泰山阿長松繁
女蘿吁嗟彼何人中乃施斧柯東家有賢女鴛鴦新結侶
人生實有命傷余何妒女木落無還枝婦棄無還期但祝
舅姑壽妾請從此辭念君隔兩地思君落雙淚妾去君心
傷願君遣情累褰裳登長途回首見小姑小姑哽不語無
力迴嫂車

餘杭舟中

朔風起林莽凜冽吹人衣歸舟日將夕但見黃葉飛卧看

山中影綠樹還依依波旋影零亂盪漾煙痕微遙天積層
雪遠山銜落暉寒鴉沒平野羣鴨歸村扉寓目卽成趣當
此心忘機有客荷樵立吾爲歌采薇

瑞安道中

山椒聊稅駕竟日霧迷漫我有窮途哭人嗟行路難叱牛
憐子母對竹觀平安苦羨龐眉叟茅檐春酒歡

壘韻柬趙撝叔

六旬阿母陷虎口嗟我婦子日聚首披緇恥就宰堵波靜
俟鬼伯歌薤歌鵬嘸血出不可拭烏鰂遭風仍吐墨橫流
何止歎王尼楚詞那敢希唐勒崑崙琵琶俗學馴更受要
道知無因通儒願勿作奇士舌擗羣驚秦越人

再疊韻呈季貺

獨立誰勝眾嫖譁壁弓眞已動杯蛇夢中識路一知己海
內藏書凡幾家豈有恩讎連將相苦教門第占清華多君
豪氣猶疇昔不似寒林瑟縮鴉

鳴玉猶增壇坫譁哲人處世玩龍蛇顧廚俊及茲多口粵
宋燕秦豈一家黨籍無碑刊茂叔瑯嬛有地闢張華勸君
勤校五千卷遮莫秋林噪鵲鴉

狂琬字玉泉一字穀庵號芙生番禺籍山陰人有隨山

堂猥彙

詩話芙生游幕嶺海頗有才名詩
亮拔自喜晚趨婉約乃多可取

擬出塞行

丈夫既許國不復論死生按劍出門去萬里如家庭登高
望山川長嘯天爲青安知百世下史冊書姓名將軍出馬

邑校尉馳龍城戰苦戈戟殘道遠霜雪清野馬嘶落日哀
笳動連營此時不封侯嗟哉李北平

高州道中

飛蓬無定根貧士多遠游一爲勞者歌千里來荒州山深
生奇寒日落如深秋往往遘奇險心目不自謀危途僅咫尺
下有急礮流虎行密箐折猿嘯空林幽行賸偶一解橐
然難久留桑弧平居志至此增煩憂飢驅自古昔戚戚將
誰尤

谿風颯然生山雨忽而至此中秋未來黃葉已滿地曲折
山谿中徒御行不易褰裳風復寒下帷雨難蔽稍稍出修
途愁破見崖寺遠岫青欲浮平田綠無次

急瀑飛高峯其勢必下注谿澗一受之眾流悉奔赴怪石

生當中衝激作奇怒朔拜方鼉鳴岵嶸猶虎踞極力爲爭
衡其意若相妒遂令白練飛莽然四森布殷雷鳴一山竇
雪濺百步僕夫踟躇行淺流仍屢渡奇觀旣目眩異響復
心怖山行無遲留見此爲少駐高詠蒼茫間天風吹日暮
粵秀山觀晚霞歌

三庚朱陸頽驕陽萬里渤澥連榮光日精水氣盪摩久倏
忽霞采生西方霓旌虹勒纒連不可數燭龍十二招我登
崇岡升高俯視奇景出遂與崑崙九光相頡頏初猶隱見
限邊幅繼乃頃洞連蒼茫法界金繩萬條徹炎官火轍六
合張威鳳羣飛過西嶽遶龍輶立移南荒仙人佩裳紛五
色天孫奇錦開七襄紫氣函關孰來過黃人目觀爭迴翔
赤標六月怒不已朱明一曲歌未央金支翠蕤忽變滅珠

光劍氣猶輝煌我昔吟詩愛餘綺亦思學道霏丹裳騰輝
舒豔今一觀看朱成碧心飛揚赤城作賦慕孫綽丹樓引
喻思長康流雲灑掖如可得遲我十洲餐玉漿

薛道衡逍遙臺故址

刺史風流不可攀高臺遺蹟已榛菅可憐落日登臨處只
在春風想像間有客來尋三月雨隔江猶是六朝山花前
雁後終無賴我亦離家且未還

袁督師祠

大荒披髮詔重闕功罪茫茫不可論星夜勤王三輔急煙
塵轉戰九邊昏朝衣畢竟悲東市鎖鑰何曾重北門今日
故鄉還立廟當年窮塞孰招魂

歐刀碧血恨漫漫裒翻從異代看事閱滄桑公論出時

當叔季將才難謠言八合憐明月疑獄千秋誤曲端別有
表忠碑記在惜無元石與鏤刊吾鄉王笠舫大令有東莞新
建袁督師祠堂碑文見
綠雪堂遺集今祠中無
此碑殆當時未刻石也

開井行

虹光夜半衝南斗陵石見榮神所守鎮州地接昌化軍誰
向窮荒挾山走風輪迅疾雲颿開徑從溟渤噓陰霾碧眼
賈能窺寶氣黃頭郎待鑄橫財何人竟把盧龍賣黎婺峯
前見光怪任教鉛水泣仙人那識銀官分地界妖徒羈服
紅鬚髻指麾徒眾吹旋螺摸金直用魏公法得寶將爲楊
氏歌誰知頓觸山靈怒鞭叱螭蛇作神霧腰裏由來鑄不
成狼脍畢竟尋無路阿奴心計亦可憐莫夜已費黃金千
寶山空手且休矣碧嶂回頭還儼然離交萬古金銀氣今

日珠厓安得棄棲陸枕沙造物心炎風朔雪天王地玉斧
威稜銅柱標覬覦焉許小夸驕請看瓊寶留中國應識神
靈翊聖朝

春日登粵秀山尋朝漢臺故址

燕絕當年朝漢臺東風三月木棉開祇今城郭餘春色如
此江山稱霸才翠羽珠璣曾北去樓船戈戟竟西來休論
左肅無消息沛邑歌風亦草萊

感懷

患難飢寒後艱虞性命存勞生今白髮落日幾朱門思舊
眞疑夢論文亦感恩茫茫知己淚寥落故衫痕

振策雞棲倦談經馬廐開不知何事樂偏向此中來枚子
飛書筆寶王作奏才古今遠相望風雨滿蒿萊

擬唐人貧女詩

小箔紅蠶亦耐飢
流黃辛苦復何辭
夜繙綫帖鐙無賴
曉謝鉛華鏡未知
告語幾曾煩鳩鳥
勝人翻自悔蛾眉
年年冷伴梅花住
誰見天寒倚竹時

吳養原字思徵儀徵人廕生官刑部主事有觚齋詩集

詩詔儀徵吳文節文鏞督湖廣死事思徵以任子官
西曹都司有巨猾嘗坐事入獄思徵分獄阿遣之未
竟其罪也新年出謁客猾與遇喉其黨曳下車羣毆
之時恭邸柄政偶游觀火神廟適相值語金吾逮治
西曹重恭邸指遣入郎官蒞鞫杖數十猾初繫獄許
獄吏金既出乃不予及復入羣相侵侮猾遽死獄中
言路論劾入郎官皆坐罷思徵亦乞假歸

寶應道中

篷底推窗透夕暉
春寒草色帶芳菲
遠疑翔鷺孤帆飽
濃愛堆鴉老樹肥
驛路摧殘知賊退
湖波吞吐覺隄危
頻年

澤國悲鴻雁上策治河自古稀

鄭州扁鵲故里

奇緣水飲上池深肺腑無勞按脈尋垣一方人能洞見不曾窺得李醯心

譚鍾鈞字秉卿號古譚新化人有古譚詩錄

詩話古譚蓋狂士喜放言高論於湘中諸賢皆有詆詞故漫游迄無所遇客死譚文卿尙書陝甘幕中爲刻詩二卷詩有磊落之氣

秋感

資陽落拓賦閒居萬感蒼茫夕照餘不信才華仇福命敢因科第薄詩書愴桑今古殘碁局睥睨乾坤一草廬烈士壯懷頻起舞陰符讀罷夜窗虛

九崗山色曉晴初泉石閒雲自卷舒白板黃花家釀熟藥

鑪茶竈故人疏身餘傲骨惟嫌病天縱奇窮獨著書年少
賈生多痛哭中原民命更何如

長沙感事寄黃軍門

徧上流民鄭俠圖瘡痍莫補歎迂儒關中戎幕肯吟侶海
內詩才半酒徒金粉紅顏華傀儡沙場碧血染珊瑚細衣
一領塵汗厚兀對殘鐙碎唾壺

三千世界經三徙四十年華歷四朝未必奇才天竟忌果
然清品貴何驕達官厚祿皆緣定處士虛聲要福消幾度
開函數殷浩書空咄咄怪無聊

邊關行

邊風吹沙沙半飛營門棲鴉鴉亂嘯客子膏車酒泉北將
軍駐馬漢關西將軍揖客葡萄酒耳熱烏烏酣拊缶老卒

猶能舞佩刀。幼兵亦解鳴刁斗。晨昏訓練氣不驕。軍中部
伍各見招。始信今有定遠侯。不爾便是霍嫖姚。天下雄關
推第一。一將當關世無匹。北門鎖鑰君何如。況有生平萬
人敵。安得生擒吐谷暉。壯士長驅入玉門。狂飈催送關頭
立。浩浩無垠見戈壁。崑崙崙崙發河源。九曲狂流望不極。
雪山璀璨冰梯高一白。遙含遠天碧。俯瞰山城臨九淵。寶
石礫礫泉涓涓。興來匹馬萬峯頂。浩火汲取衙齋煎。祁連
蔥嶺渺天末。蒼然大地浮雲煙。我撫滄桑懷太古。一粟太
倉渺何許。干戈漂泊寄孤蹤。回首湘山淚如雨。爲君楚舞
歌楚歌。萬里龍堆奈若何。昭代承平二百載。徒旅嬉嬉卸
兵鎧。一朝樹纛張楚軍。斥埃牙旗盡修改。身先士卒轟雷
霆。剪鋤犂确披榛荆。手皴足戰精力悴。周道礧礧如砥平。

紫電青霜嚴武庫漢官儀重見軍門我乘高車叩關吏尋
詩塞外添詩意天山體體衰草黃一抹斜陽浩無際胡笳
羌笛聲唧唧匈奴未滅何爲家主人勸客且痛飲插劍醉
卧沙場沙

沈銛初名際昌字元成號誠齋婁縣人諸生

詩話元成居松江西郭外其水曰笏溪與仇竹屏胡
公壽蔣石鶴號笏東四子元成善書畫兼精醫藥於
仕進徇徇文
酒酬答不倦

貧家行

貧家糧盡稗作粥南箕不斂一粒穀貧家酒甕空牀頭斗
杓盛住天漿流仰視蒼蒼增百感箕舌自張斗自轉誠齋
老子常思量人到餓死眞自強山中采薇誰再作竿頭曬
禪亦足樂君不見明珠換得玉顏紅奴輩發難曲未終又

不見挂冠織簾不自恥乃是吾家一奇士

胡公壽初名遠以字行江蘇華亭人

諱詒同光之際雲間士人能書畫者輩出如郭友松蕭千石張叔木皆擅名而公壽尤勝

偶成

金紫何曾偶挂懷石田茅舍自天開絲竿釣月江頭住竹杖挑雲嶺外來匏實曉收栽菜圃土花春長讀書臺革除一點浮雲慮木筆題詩酒數杯

蔣確初名介字于石號石鶴江蘇華亭人諸生

游善應禪院

蕭寺最岑寂尋幽獨長林疏寒鳥聚竹密暮雲藏野殿丹青古空庭草樹荒徘徊人不見樓外鎖斜陽

獨坐

獨坐空齋裏柴門鎖日扃徑荒苔自綠春近草重青詩不
緣貧輟愁難與酒醒胡笳日暮發哀怨不堪聽

沈祥龍字約齋婁縣人諸生有樂志彞集

觀梅回汲細林山泉水

我昨探梅亂雲窟欲練梅花作詩骨祇愁竟體塵氛多脈
脈芳馨苦山沒願汲泉水山之陰未洗雙眼先洗心心清
始覺吟夢穩縞衣仙子來深林斜陽半峯泉鳴磴手挈銀
瓶下幽徑歸來分水呼煎茶浣滌徐凝惡詩淨

次韻和賈雲階丈新居落成

水竹三分畫不如秋風新築輞川廬靜觀世態涵琴德老
癡詩心慰瑟居飲續醉鄉王績記每披相地景純書丈精堪與
軒窗明淨宜幽隱坐對黃花樂有餘

過蕭尺木墓

家國滄桑一慨中，離騷圖就思無窮。
遺民老去詩心苦，古壁長留畫本工。
巷僻難尋廬一角，塚荒重薶草千叢。
春來樵采新申禁，嶽西觀察重葺墓道宰木森森夕照紅。

張定字叔木婁縣人諸生

日本刀爲胡雲起作

先生好劍更好刀，寒光上騰秋月高。
昆吾之刀世難覩，大食之刀輝久韜。
二者搜羅不可得，日本有刀求之亟往時。
日本來觀光寶刀，流傳入中國中國尙文不尙武。
藏此刀者半僮父，有誰拂拭鵬鵠膏。
素練橫空下階舞，先生得之喜欲狂。
摩挲珍重如球琅，酒酣奮袂出示客。
長虹三尺輝寶光，吾謂先生可一試。
莫使毛錐誤我事，挺身投筆學班超。

超塞外立功酬素志先生一笑鬱塞開諸公狂飲歌莫哀
夜半此刀作龍吼願從先生登燕臺

葛其龍字隱耕上海人諸生有寄庵詩鈔

詩話隱耕家貧託身閭閻而詩無屑枯
語詠菊云寄人離下亦芬芳可徵抱負

枯樹

靜耐冰霜歷苦辛回頭風木倍傷神
嗁烏落月渾如夢古墓空山不再春
百尺尙存孤立意千秋幾見後周身
興嗟豈獨桓司馬手澤摩挲感昔人

獨立蒼茫閱古今興衰容易是園林
何陽春盡浮雲散金谷秋荒夕照沈
一局殘碁悲世事百年浩劫悟禪心
窗前讀罷蘭成賦落葉西風感不禁

松江早春

一江晴暝漲紅潮遙望蘆灘雪已消正是鰕魚初上候釣
船齊泊夢花橋

黎承忠字獻臣號喟園長汀人有葵園詩草

詩話喟園流寓大梁性伉爽落不合於時好爲詩
晚益沈鬱許仙屏何督招入幕欲刻其詩而未果歿
後遺藁散佚朱古微侍郎與有舊物色久之得數冊
而晚年之作不可見曩時喟園曾手書數十首貽余
弟友梅有出贗藁之外者錄而存之喟園與俞雪岑
並屬汴中故人余有憶舊吟云昔者梁苑多詩人雪
岑喟園兩叟貧雪岑曾入通侯幕喟園亦爲節度賓
兩叟上下自干古傲晚時輩生嘲噴雪叟獨存唐體
格喟叟夙擅宋風神兩叟吟詩不相識與我廣和殊
相親我別梁苑三十載兩叟羽化俱成塵人間萬事
莫同首風月不負苦吟身杜陵吹臺已陳跡夢陽
壇坫亦沈淪作詩千里弔兩叟樊樓鐙火春復春
偕秋原刺史游香巖寺晚宿李官橋

理屐趁興晨行輿向山路石磴礙疏泉陰雲翳深樹初歷
樵徑紆俄轉奔崖露修藤蛇虺蟠長松猿狖附勢詭賞正

延步窘魂已怖防仆前昇危賈勇後從赴險峭履漸夷風
壑號猶怒蒼翠密竹交向背列屋錯煙際遙聞鐘僧廬向
何處

叢篁蔽羣木萬山圍一寺出險天忽開入宇勢頓異撲野
見雛僧序豁登初地開創肇有唐兵氣燬近代緬維一行
高迴留千偈祕乍炊松肪腴旋飽香積餌頻眷顧客偕空
嘯叶鸞吹迴囑展蒼莽雲迷失丹翠

雖探香巖奇未歷白崖妙遠瀑散驚響長林靄餘照入冬
石骨青向晚江雲燒人家背嶺居炊煙出屋篠牛羊見墟
里雞豚聚古廟憩訪野人名歸屏長官導睠茲畎間慨
予行役勞沽酒慰塵蹤濯纓聊强笑

馬草行

荒城斗大山之陬健兒十萬橫戈矛三更傳諭徵馬草里
胥持符下鄉堡排戶輸草行給錢小民汗血官猶憐眼看
芻草如山積城中載運夜不眠誰知芻草散滿野競刈新
麥來秣馬可憐麥熟未登場馬病肥死人逃亡

初見燕

兵甲三春滿經年海上歸未依新畫棟還認舊柴扉雨細
窺簾入泥融掠水飛營巢吾愧汝飄泊寸心違

大梁雜感

孤塔平懸郭危樓上切雲誰過朱亥市復祀信陵君北檄
傳雞羽南天阻雁羣杞憂吾曷敢時事未應聞

屢下勤王詔諸軍自養癰犒師劫行旅積庾困輸供張鎬
援何後思明計已窮空傳裘帶略息甲久山東

將允成名易恩寬受病深煙氛何莽蒼霧雨且侵淫豎子
憂方大畸人跡漫尋何時開笑口城郭避塵簪

九日偕虞裳登吹臺

嶽氣呵聲接檻來遙憑秋色一銜杯平臺會散當年客公
譙人思一代才世治交游名自貴塗窮懷抱向誰開憑君
莫灑登高淚斯地重陽得幾回

酬鎬仲比部

秋深數枉山中訊勞汝殷勤問卜居豈意堯年逢水患獨
陳賈策著河渠白龍上訴愁窮羿衰鳳行歌比接輿我自
湛冥君矯翼未妨同量測拘墟

俞燿字雪岑大興籍德清人有雪岑殘藁

詩話雪岑性豪邁游京師以文章名於時嘗入湖鄉
湘陰兩相國幕二公皆賓禮之顧落落無所遇余與

相見陳州時年甫冠而雪岑垂垂老矣領蓋題襟深
相推挹余初通籍賦詩爲賀喜溢於辭其後音問闕
絕下世後篇章零落余出篋中先後見示詩六十餘
篇編次刻行雪岑詩用唐法縱橫排盪猶有道臧諸
老遺意今雖存詩不多正始之音昔賢所慨正不能無老成典型之感也

登嘉定郡樓望峨眉山

西行未作峨眉游
艤棹獨登江上樓
三峯兩峯太古雪
千樹萬樹孤雲秋
寄書遠近一青鳥
隨艇浮沈雙白鷗
安得芒屨自來去
閒從絕頂凌嘉州

糟邱歌寄東生弟

人間不築黃金臺
天上不修白玉樓
腹中文字半磨滅
化爲酒氣成糟邱
我欲死埋其側生
與之游不醉亦醉
不愁亦愁光陰一
擲幾千載吾將老
死無春秋不知人
間天上何處可以
長居而久留願假
東來鶴爲我西飛
招子由茫

茫江漢表蕩月乘虛舟江漢滔滔去何駛汝駕長風好來
此一杯滌盡胸中塵共卧糟邱萬古春

塞上春感

城頭感栗響金飈聽說羣羌更動搖凍坼平岡飢牧馬陰
沈大漠冷盤鵑花門禍肇天俱慘草磧營開土半焦楊柳
東風何處是春來還憶灞陵橋

歲暮高吟寶劍篇短衣盤馬憶當年關中蒼莽風雲地隴
上飄飄雨雪天羽箭自傳青海外音書誰寄玉門前燉煌
此去皆烽火仍是君王舊拓邊

短歌行

丈夫不能騎馬挽強弓飛身殺賊稱豪雄胡爲翩翩乃學
少年子鬪雞走狗馳青驄我聞南北豺狼走平曠霜戟森

森列萬帳夢中忽割幾人頭渴吞戰血心猶壯天子傳呼
賜寶刀殿上親披金字袍左插白羽右烏號翻身仰射凌
秋鵬一生齷齪非人豪下視王侯將相如牛毛

賀菊人太史

蹀躞青驄下九垓雕鞍香踏輦紅來筵張玳瑁調金鼎筆
架珊瑚詠玉臺萱草歲寒凌雪健杏花春暝向陽開於今
雅頌承平日眼底縱橫見此才

題沈夢眉荆巫征帆集並送其還吳興

春江澹沱風蕭騷故人揖我歸蓬蒿巫峽連雲一千里魚
龍出沒衝波濤上有猿猱嘯飢虎下有鼉鼉蟠凍蛟灘石
走雷聲怒號眼前突兀撐空更何有丹巖翠壁高插萬古
出穹霄扁舟東去遠相望峭帆疑出青天上一峯欲雨一

峯晴陰陽翕闢窮殊狀瞿塘峽灩澦堆飛流動地爭喧
厓
篙師驚險顏如灰中有豪吟客嘯詠滄江回憶爾泊舟
山
月低篷窗夜黑鳴鳶唳投詩贈魍魎舉酒酌支祈高
歌放
棹還苕溪不與九十六峯相爭奇噫嘻乎巴山楚水
愁風
雨詩卷長留伴行旅遠涉荆巫懷故鄉未識故鄉在
何許
東風朝暮來吹送章華臺舉頭見吳會日出滄溟開
胸吞
雲夢洗塵埃霸圖今已矣雄略安在哉丈夫歧路休
徘徊
沈郎沈郎爾搗此卷游江東勿驚海若而語鴻濛但
恐沈
之水府藏蛟宮不然破空飛去化爲亙古不磨雙白
虹

晚晴繆詩匯卷一百六十七終